

NE SIT MAGISTRATVS,  
qui ambit magistratum

**D**ic qua Tisiphone, quibus exagitata colubris,  
Marta Romuleos Catilinæ tradere fasces  
Gens potuit? pedibus pulsare repagula legum?  
Iussit abesse foci patrius lex Tullia, si quis  
Largitione petat uilera suffragia plebis.  
Nos patriam dabimus, patrio privamus honore,  
Venetur quoties pulso Catilina pudore  
Turpibus obliquis populi suffragia vani.  
Clamitat injuste factum Catilina, Senatum  
Prouocat, incusat, lites sectatur iniquas:  
Patroni vocem petimus, sic causa peracta.  
Si modò concessas habeat Catilina secures,  
Deferat & populus fasces, cellamque curulem,  
Splendescant pulchræ vitutis signa futuræ,  
Respuat & solitos mores, vitamque priorem:  
Romanæ quibus est gentis delata potestas,  
Quum teneant vrbis clavum, legesque ministrent,  
Incluta Roma ruit, remanet ipse nulla salutis,  
Siteneat scelerata manus, puppemque gubernet.  
Nunc specimen Catilina tuum cernamus, honores  
Vt tibi promeritos tribuat Mavortia Roma.  
Nolumus Antonium, Læcam, comitem-ve Cethegū.  
Clodius extollet necthos, Verresq; latrones:  
Nect tua (torrescunt etenim) præconia posco,  
Quod specimen Catilina tuū? quid munera, sumptus?  
Cerdonum captas animos, suffragia captas.  
Hæc tua (si mores liceat narrare futuros)  
Immundam redolent vitiorum cuncta cloacam.  
Munera das, capies: perfringes vincula juris,  
Imminet armorum rabies, si commoda cessent.  
Quumque premat Ventosa fames, & vesceris aura,  
Impatiens confortis eris, cogesque Metellum  
Tu patrios lugere focos: tu linquere Romam  
Vrbis Romanæ columnem, quem rostra, Senatus,  
Curia suspexit. Charæ præcordia matris  
Te duce, Vipereæ sobolis funesta propago  
Erodet; Tua sunt Virtutis signa futuræ.  
Num tenuis Catilina tuos dignoscere mores?  
Clodius, heu, diro quem (sæua Megæra) veneno  
Ambitus infecit, scelerum sentina, Penates  
Ausurus violare suos, titulosque parentum:  
Plebeios petiit vetitos (maleficus) honores:  
Obtinet, abjecta quos affectauerat, arte:  
Pompejum vexat, præclaros quosque lacessit,  
Emungit civis censu, patriæque parentem  
Mittit in exilium leges perumpit, atrocem  
Pisonem retinet, Virtutis signa futuræ  
Sunt Catilina tuæ, mores, Vitamque figurant.

*Romuleos igitur Catilina tradere fasces  
Romanæ: censu captas suffragia plebis.*

OMNIVM ANIMANTIVM FORMÆ  
sunt essentia incorporea.

**V**ndit humus virides verno quas tempore fruges,  
Vestigia quam tepido gesserit herba sinu,  
Æquora fluctu vagi sulcantes turgida pisces,  
Æra qua tenero remige pulsata avis,  
Quas fera silva feras, pecudes quas de via lustra,  
Quosque Pales lauti sustinet alma greges,  
Corpora nunquid erunt? an habent sine corpore formam?  
Sublimis valeant dogmata vana viri.  
Quos satus lapeto, diuino semine, Divum  
Finxit in effigiem, corpora sola putas?  
Spiritus tribuant proprias animantia formas:  
Quos neque as oculis cernere Lynce tuis.  
Integra constitunt partes animantia bina:  
Forma tenet primas, materiamque dolat.  
Crassum non dubitas an sit substantia corpus,  
Cum teneat primas forma, futura magis.  
Quam licet inclusam fatear compage teneri  
Corporea, corpus non tamen illa facit.  
Corpora sola putantur viventia? dicere formas  
Corpora cui placeat, corpora sola putat.  
Nec faciunt bina partes animantia, sed se  
Bellua, Planta, viri, corpora nuda forent.  
Dic age quæ fabricant viventia corpora forma?  
Hoc opus, hic animis convenit, omne, labor.  
Quæ modo corporea rumpant cum vincula sedis,  
Et fugiant fragilis, terrea claustra domus:  
Quæ rota, quæ flamma? figulus quis sinxerit illas?  
Nec rota, nec flamma, nec figulina manus.  
Nugacis valeant atomi fumenta cerebri:  
Non moror insanos, stulta cetera vale.  
Ardeat urenti Leucippi phasma calore:  
Hipponis Geticum stringe rigore gelu.  
Quam Cynici fingunt, tennes vaneat in auræ.  
Empedoclis foreat tabida membra cruor.  
Cernis ut arborei frondescant vertice sic tui,  
Ætheriaq; domus mœnia plantæ petat?  
Quam varios videas dignoscere Bruta colores?  
Quamque sagax reperit dissimulare canis?  
Percipit aure sonos liquida qui mergitur unda  
Piscis, & ingratos respuit ore cibos.  
Ferreæ sola potest humana dicere forma  
Munera vox, peragat quamq; canenda magis.  
Forma sed unde venit, vigeant animantia cuius  
Viribus? a cælo virvida forma venit.  
Nec tamen æternum tribuit Natura vigorem:  
Si pereant planta, forma caduca perit:  
Inq; nihil recidit brutorum forma: superstes  
Mens licet æterno tempore viva manet.

*Ergo suas retinent animantia singula formas  
Corporis expertes, Bellua, Stirps, Homines.*